

ՄԵՐ ԺԱՄԱՆԱԿԻ ՀԱՐԱՋԱՏ ԶԱՅՆԸ

(Ն. Զարյանի ծննդյան 60-ամյակի առիթով)

Գ. Ա. ՍԱՐԳՍՅԱՆ

Լրացավ սովետահայ դրականության անվանի վարդապետներից մեկի՝ Նաիրի Զարյանի ծննդյան վաթսունամյակը:

Որպես գրող, Զարյանը ամբողջովին սովետական կարգերի ծնունդ է. նրա ստեղծագործական կյանքը սերտորեն կապված է հայ ժողովրդի սոցիալիստական վերածննդի հետ և արտացոլում է վերափոխումների այն երկար ու բարդ պրոցեսը, որ ապրել է սովետական երկիրը անցած ժամանակամիջոցում: Քաղաքացիական կռիվների հերոսապատումը, նոր կյանքի կառուցման առաջին քայլերը, երկրի ինդուստրացումն ու գյուղի կոլեկտիվացումը, սոցիալիստական հասարակարգի ամրապնդումը, Հայրենական Մեծ պատերազմն ու ետպատերազմյան խաղաղ շինարարությունը, կոմունիստական բարոյականության հաստատումն ու մարդկային նոր բնավորության ձևավորման ընթացքը, — ահա այն կարևոր երևույթները, որոնք իսկ ու բաղմակողմանի արտացոլում են գտել Զարյանի երկերում: Հենց դրա շնորհիվ էլ նրա ստեղծագործությունը դարձել է մեր ժամանակի և մեր ժողովրդի հարազատ ձայնը, մեր ապրած փոթորկոտ օրերի ինքնատիպ գեղարվեստական տարեգրությունը:

Մշտապես կապված լինելով արդիականությանը, Զարյանն իր ստեղծագործություններում արտացոլել է նաև հայ ժողովրդի անցած պայքարի ուղին՝ հնագույն ժամանակներից մինչև մեր օրերը: Բավական է թեկուզ վերհիշել նրա ստեղծած կերպարների պատկերասրահը, որ աչքի է ընկնում լայն ընդգրկմամբ: Այդ պատկերասրահում իրենց արժանի տեղն ունեն մեր ժողովրդի դարավոր մշակույթի և ազատագրական պայքարի մի շարք ականավոր դեմքեր՝ սկսած առասպելական Արա Գեղեցիկից մինչև Կոմիտաս, Աբովյանից մինչև Շահումյան: Նա ջերմ սիրով է կերտել մեր ժամանակի մարդկանց այնպիսի կերպարներ, ինչպիսիք են՝ Հրանուշը, Ալեքսանը, Սաքո Միկինյանը, Խարինեն, Լևոն Լամբարյանը, Վաչե Ոբյանը և շատ ուրիշներ:

Զարյանի՝ իրրև ստեղծագործողի, բնորոշ գծերից մեկն էլ նրա որոնող ու անհանգիստ ոգին է, կյանքն իր բաղմաղանությամբ պատկերելու, նոր միջոցներ ու եղանակներ գտնելու մշտական ձգտումը: Այստեղից էլ՝ նրա ձայնածավալի հարստությունը, ժանրային բաղմաղանությունը. բանաստեղծ, վիպասան, դրամատուրգ, երգիծարան, հրապարակախոս, հասարակական գործիչ, — այս է Զարյանի դիմանկարը՝ լայն առումով վերցրած: Ըստ որում, իրեն մատչելի բոլոր ժանրերում էլ նա դրսևորել է իրականության սեփական զգացողություն, ուրույն ճաշակ ու մոտեցում: Սովետահայ գրողների ընդհանուր խմբերգում Զարյանի ձայնը հնչում է յուրահատուկ շեշտով ու երանգով՝ միշտ հաղեցված պայքարող մարտիկի ավյունով:

1

Իր գրական նախափորձերը՝ Ն. Զարյանը սկսել է շատ վաղ հասակից, տակավին որրանոցում, ուր առաջին անգամ ծանոթացել է հայ կլասիկների երկերին, հափշտակվել Տերյանի տխրաթախիժ մեղեդիներով։ Որրանոցային միջավայրի և դրական խաշածե ազդեցությունների հետևանքով նրա մեջ ծնունդ էին առնում մռայլ խոհեր ու ապրումներ։ Այդ չի ժխտում և ինքը՝ Զարյանը։ «Ինքնակենսագրության» մեջ նա խոստովանում է, որ վաղ շրջանի իր ոտանավորները «լիքն էին ինքնահեգնանքի դառն զգացմունքով... Ամիսներով ու տարիներով կիսաքաղց վիճակում ևս կարգում էի Տերյանի տխուր բանաստեղծությունները և, չհասկանալով դրանց իմաստը, լցվում էի բոլորովին յուրահատուկ, իմ վիճակից բխող տրամադրություններով»։

Նման տրամադրության ու հոգեվիճակի արտահայտություններից է «Անձրե» բանաստեղծությունը (1918), որն իր էլեգիական կոլորիտով, լեզվական ինտոնացիայով ուղղակիորեն առնչվում է «Մթնշաղի անուրջների» հետ։

Գիշեր մինչև լույս անձրևը լացեց
Տանիքի վրա տրտում տնակիս,
Ծեծելով դուռս, խուժելով հոգիս՝
Գիշեր մինչև լույս գարունը լացեց¹...

Վհատություն արտահայտող այս, ինչպես և նույն շրջանում գրած «Գուցե նստած պատշգամբում», «Աշուն» և էլի ուրիշ բանաստեղծությունները գրսևորում են կյանքից դառնացած պատանու հոգեկան անբավականությունը իր շրջապատից։ Ծիշտ է, դրանցով հեղինակը անմիջականորեն չէր արձագանքում հասարակական երևույթներին, բայց դա բնավ չի նշանակում, թե այդ երգերը զուրկ էին հանրային հետաքրքրությունից և կամ թե արդյունք սոսկ գրքային տպավորությունների։ Երգելով իր անձնական վիշտն ու տխրությունը, սկսնակ բանաստեղծը լանկատելիորեն արտահայտում էր չզոհացած սիրտ, կարոտի այն խոր զգացմունքները, որ այնքան բնորոշ էին դաշնակցական Հայաստանում տառապող հազարավոր պատանիներին ու աղջիկներին։ Նրանց ողբերգական կացությունն էր վերապրում Զարյանը, որը տակավին չըմբռնած պատմական զարգացման հեռանկարը՝ համակվում էր լացի ու տրտմության տրամադրությամբ։ Այգորինակ հոգեվիճակում էլ նրան ձգում էր Տերյանը, որի բանաստեղծական խոսքի մեջ էին որոնում շատերը իրենց խոհերի ու ապրումների հարազատ արձագանքը։

Զարյանի ստեղծագործական հետագա ճակատագրի համար կարևոր նշանակություն ունեցավ նրա հանդիպումը այն ժամանակ արդեն ճանաչված բանաստեղծ Ն. Զարենցի հետ։ Վերջինս, ծանոթանալով նրա բանաստեղծությունների առաջին տետրին՝ խորապես զարմանում է, որ Հոկտեմբերյան ուսուցիչից հետո այդպիսի անհույս բաներ են գրվում. «Տետրակից տար պահիր տանդ և նոր բաներ գրիր, հեղափոխությունը երգիր»,—ասել է Զարենցը²։

¹ Ն. Զարյան, Միհատորյակ, Հայպեսհրատ, 1959, էջ 71։ Բոլոր մեջբերումները կատարվում են այս հատորից, ուստի հետագայում կնշվեն միայն համապատասխան էջերը—Գ. Ս.։

² «Знамя», 1956, № 2, էջ 168։

Անսալով Մեծ Հոկտեմբերի խանդավառ երգչի խորհրդին՝ Զարյանը շուտով շրջադարձ կատարեց դեպի ունեցությունն թեմատիկան։ Դրան զիջալիս սկսեց նպաստեց Հայաստանում սովետական կարգերի հաղթանակը, որը հիմնովին փոխեց մեր ժողովրդի կեցությունը և առավել պարզ դարձրեց սոցիալիստական ունեցության ազատարար նշանակությունը քառամյա պատանու համար։ Ազգային վերածննդի լենինյան արշալույսով ոգեշնչված՝ Զարյանը կարճ ժամանակամիջոցում հաղթահարեց անցյալի մռայլ տպավորություններն ու խորթ ազդեցությունները և լուրջ որոնումներ կատարեց նոր կյանքն ինքնուրույն ձայնով երգելու համար։

Այդ իմաստով ուշադրավ է նրա բանաստեղծությունների անդրանիկ ժողովածուն՝ «Զրանցքի կապույտ երկրում» խորագրով (1926), որն իր ակնհայտ թերություններով հանդերձ դրականորեն էր բնութագրում հեղինակին։ Այդ դրբույկի բանաստեղծություններն աչքի էին ընկնում նախ և առաջ թեմատիկ թարմությամբ, կյանքում կատարված տեղաշարժերին արձագանքելու բուռն ձգտումով։ Ծիշտ է, իրենց ձևով, պատկերավորության եղանակով դրանք գերազանցապես արդյունք էին ժամանակի իշխող կոսմոկլակոն-ուսուցիչի մտածողության և կրում էին վերացականության դրոշմը, բայց և այնպես արտահայտում էին վերափոխող կյանքի շունչը, նորի կառուցման պաթոսը։ Հիշենք «Ջանգո», «Հնձվորը» և ուրիշ բանաստեղծություններ, որոնց մեջ մռայլ անցյալին հակադրելով ներկան՝ հեղինակը գեղարվեստորեն հավաստում էր նորը, սոցիալիստական աշխատանքի ստեղծարար ուժը։ Նա մեկընդմիջտ հրաժեշտ տվեց հին, մեռնող աշխարհին, որի հետամնաց ու դաժան կյանքի խորհրդանիշն է իր ետևում թողած Խառնիկները, և էրիտասարդական ավյուրով ու խանդավառությամբ, ամբողջ սրտով երգեց սովետական իրականությունը, նրա հաղթական երթը։ Դրա լավագույն ասպեկտը են դեռևս 1924 թ. գրած հետևյալ տողերը.

Ողջության քեզ, գալիք, երազ իմ պայծառ,
Որ ծաղկում անվերջ, բացվում էս անծալը,
Որպես այդ շառագունելով...
Դու քանի՜ անգամ ձևազնաց անցար
Իմ սրտի այս տաք թունելով¹։

Այս և նման բանաստեղծություններում արդեն առկա էին ստեղծագործական այն առողջ տենդենցները, որոնք դարգանալով ու ծավալվելով, հետագայում պետք է դառնային բնորոշ գծեր հեղինակի անհատականության համար։ Արդիականության զգացողություն, մարտական շունչ, լավատեսություն,— ահա թե ինչով էր հատկանշվում Զարյանի ստեղծագործական նկարագիրը դեռևս իր տաղանդի առաջին ցուրներում։

Նրա մարտնչող խառնվածքն առավել նկատելի է այդ շրջանում գրած պոեմներում, որոնց մեջ հնի և նորի հակադրության ֆոնի վրա բացահայտված են նորի անհաղթահարելի ուժը, ունեցություն հերոսամարտերի և սոցիալիզմի շինարարության պաթոսը, նոր մարդու ծնունդը։ Վերջենք թեկուզ «Հրանուշ» պոեմը (1925), որ տողորված է քաղաքացիական կռիվների և դրանց հա-

¹ Միջատորյակ, էջ 5։

ջորդած խաղաղ շինարարության հերոսական շնչով: Ռևոլյուցիոն ընդհատակի բոլորով անցած Հրանուշը դարձել է նոր կյանքի խանդավառ շինարար: Նա ապրում է հասարակական լայն կյանքով և կուլտուր-լուսավորական ակտիվ աշխատանք է կատարում գյուղում: Համարձակ ու եռանդուն այդ աղջիկն իր անձնական օրինակով ողեշնչում է մարդկանց հնի դեմ մղված պայքարում: Նրա կերպարով հեղինակը հավաստում է այն ճշմարտությունը, որ մեր մարդկանց թափած արյունով է սնվել ու աճել նոր կյանքը:

Անցյալի ռևոլյուցիոն հերոսամարտերի և նորի կառուցման միջև եղած սերտ կապը բացահայտելու նպատակով դեռևս քսանական թվականների կեսերից Զարյանն իր ստեղծագործություններում լայն տեղ հատկացրեց պատմա-ռևոլյուցիոն թեմատիկային: Նա առաջիններից մեկն էր մեղանում, որ փորձեց էսթիլական շնչով պատկերել Հալաստանում սովետական կարգերի հաստատման համար մղված պայքարի անմոռաց դրվագները, վեր հանել ռևոլյուցիոն մարտերի հերոսներին: Այդ թեմայով են գրված «Նոյեմբերյան օրերին», «Տրիրունը», «Տաթևի ժայռից», «Աստամբրություն» պոեմները և մի շարք բանաստեղծություններ, որոնք որքան էլ տնկատար լինեին գեղարվեստական տեսակետից, այնուամենայնիվ, ուշադրալի քայլեր էին ռևոլյուցիոն անցյալի պատկերման ուղղությամբ: Դրանց մեջ հեղինակը կոնկրետ իրադարձությունների ֆոնի վրա ձգտել է վերարտադրել ժողովրդական մասսաների և նրանց ծոցից ելած խիզախ մարտիկների ազատագրական պայքարը դաշնակցական տիրապետության դեմ: Այդ պայքարի առաջին գծում էին կանգնած կոմունիստները, որոնք իրենց զաղափարների հաղթունակի համար արհամարհում էին մահը: Այդպիսիք են բանտում պնդակահարության սպասող կարմիր կոմիսարը՝ Ստեփանը, Նորքի ձորում գաղանային խոշտանգումների ենթակված Ալավերդյանը, Մուսայելյանն ու Ղարիբջանյանը («Դուք կգաք նորից»), Որոտանի անդունդը նետված բոլշևիկները և շատ ուրիշներ, որոնցից յուրաքանչյուրը, որպես ռևոլյուցիայի հավատարիմ զինվոր, դրսևորում է հոգու արիություն, անձնագոհություն: Հեղինակը թեև հարկ եղած չափով չի խորացել իր հերոսների անհատական չափումների մեջ և չի բացահայտել նրանց վարքի ու գործունեության հոգեբանական նախադրյալները, բայց և այնպես կարողացել է վերստեղծել այն լարված իրադրությունը, որ ծնում էր այդպիսի խիզախ մարդիկ:

Ոչ միայն քաղաքացիական կռիվները, այլև դրանց հաջորդած սոցիալիստական շինարարության առաջին քայլերը, նորի ստեղծումն ու հաղթական ընթացքը միշտ էլ ստեղծագործական ողեշնչման աղբյուր են եղել Զարյանի համար: Տակավին «Կառուցողներ» պոեմում (1927) նա աշխատել է պատկերել սովետական մարդու ստեղծարար ջանքերը, վերափոխվող կյանքի ու կենցաղի մի շարք բնորոշ գծեր, որոնք մարմնավորված են որմնադիր Սամսոնի և նրա որդի Գարեգինի կերպարներում: Հետագայում նա հանդես եկավ «Հնոցի մոտ», «Դիրեկտորը» և ուրիշ գործերով, որոնց մեջ թեև նույնպես զգալի չափով առկա է այդ շրջանի մեր պոեզիային հատուկ սխեմատիզմը, բայց և այնպես զգացվում է երկրի ինդուստրացումը, բանվոր դասակարգի հերոսական աշխատանքը պատկերելու ուժեղ ձգտումը:

Իր ստեղծագործական կյանքի հետագա տարիներին Զարյանը մեծ ուշադրություն է դարձրել նաև գյուղի սոցիալիստական վերակառուցմանը: Այդ թեմայով են գրված «Ծնվում է նոր կյանքը», «Կապը» և ուրիշ երկեր, որոնք

նախապատրաստեցին հեղինակի թռիչքը դեպի այնպիսի մի ռեալիստական ծավալուն կտավ, ինչպիսին է «Ռուշանի քարափը»:

2

Թե՛ նյութի ընդգրկման և թե՛ գեղարվեստական կատարման իմաստով «Ռուշանի քարափը» (1930) նոր էտապ նշանավորեց ոչ միայն Ջարյանի, այլև սովետահայ պոեզիայի զարգացման ճանապարհին: Այդ պոեմը սոցիալիստական ռեալիզմի մեծագույն հաղթանակն էր մեր գրականության մեջ, ուստի և ժամանակին ջերմ ընդունելություն գտավ ընթերցողների կողմից: «Ռուշանի քարափով» հեղինակը վճռական շրջադարձ կատարեց դեպի ռեալիստական ժողովրդային արվեստը և դասական տրադիցիաների, մասնավորապես Նովհ. Իսմանյանի պոեզիայի լավագույն տարրերի յուրացման ճանապարհով նոր աստիճանի բարձրացրեց պոեմի ժանրը սովետահայ դրականության մեջ:

Պոեմի նյութը գյուղի սոցիալիստական վերակառուցման պրոցեսն է, մեր երկրի ու ժողովրդի կյանքի համար շրջադարձային նշանակություն ունեցող այնպիսի խոշոր իրադարձություն, ինչպիսին էր կոլեկտիվացումը: Գործողությունը կատարվում է Հայաստանի լեռնային գյուղերից մեկում՝ Քարաշամբում, 1929—1930 թվականներին, երբ գյուղացիությունը մասսայաբար ներգրավվում էր կոլտնտեսային շարժման մեջ: Այդ շարժումը ոգեշնչում են կոմունիստները, որոնք առաջինը մտնելով կոլտնտեսություն՝ իրենց ետևից տարան չքավոր ու միջակ գյուղացիներին: Բայց նոր կյանքի կառուցմանը կատաղորեն դիմադրում է կուլակությունը, որի ներկայացուցիչները գործի են դնում բոլոր միջոցները՝ պրոֆուկացիաներից մինչև սպանություններ՝ վիժեցնելու համար կոլտնտեսային շինարարությունը: Կոլեկտիվացման համար մղված պայքարի ճակատում զոհվում է պոեմի գլխավոր հերոսը՝ Ալեքսանը, որն իր թափած արյունով ոռոգում է նոր կյանքի ծիլերը, ամրապնդում աշխատավորների հավատը կոլտնտեսային կարգի հաղթանակի նկատմամբ:

Սյուժետային այս հիմքի վրա է կառուցված «Ռուշանի քարափը», որն արասացություն է բեկման մի ամբողջ ժամանակաշրջան՝ իր հակասություններով ու դժվարություններով: Ղեկավարվելով սոցիալիստական ռեալիզմի մեթոդով, Ջարյանը կարողացել է իրականությունը պատկերել իր ռեոլյուցիոն զարգացման, հնի և նորի միջև ծավալվող բուռն պայքարի մեջ և արվեստի համոզիչ ուժով հավաստել նորի անխուսափելի հաղթանակը: Նա ցուցադրել է այն խոչընդոտները, որոնց հաղթահարման ճանապարհով պարտիան ապահովեց մանր սեփականատիրական գյուղացիության անցումը սոցիալիզմի ուղին, ռեոլյուցիոն այդ մեծ շրջադարձը պոեմում ներկայացված է կենսական փաստերի խոր ընդհանրացմամբ, տիպական հանգամանքների ու նրանցով պայմանավորված կոնֆլիկտների և բնավորությունների միջոցով: Ընթերցողը տեսնում է կյանքն իր բազմաբարդ հյուսվածքի մեջ, դասակարգային լարված պայքարի, անհատական ու հասարակական շահերի բախման պրոցեսում, որն առավելագույն հստակությամբ դրսևորում է «կոլխոզային երկունքի եռուղեքը»:

«Ռուշանի քարափի» գլխավոր արժանիքը հենց այն է, որ նրա մեջ բացառիկ համոզողությամբ արտացոլված է այդ երկունքը՝ հին տնտեսաձևի վերացման և նոր, կոլտնտեսային կարգի ստեղծման բարդ ու դժվարին պրոցեսը: Ոչ բոլորն են զիտակցում այդ նոր կարգի պատմական անհրաժեշտությունը՝ կան տատանվողներ, իսկ կուլակները համառորեն դիմադրում են: Դրան զգա-

լապես նստատեղում է այն հանգամանքը, որ առանձին աշխատողներ կոլեկտիվացման բարձր տոկոսների ետևից ընկնելով՝ խախտում են կամավորության սկզբունքը և թույլ տալիս «ձախ» խոտորումներ: Այդ ամենի հետևանքով դուրսում ստեղծվում է կրքերի լարված մթնոլորտ, հակադիր կողմերի միջև ծավալվող պայքարը դառնում է պոեմի սյուժետային զարգացման հիմքը: Եթե Գարսեանը, Ալեքսանը և դուրի մյուս առաջավոր մարդիկ իրենց շուրջը համախմբելով աշխատավորներին, հաստատակամորեն առաջ են տանում կոլտնտեսային շարժումը, ապա դասակարգային թշնամին, հանձին Չափնանց Սանթրոսի, ամեն կերպ փորձում է կասեցնել այդ վերընթաց շարժումը: Պայքարի ընթացքում ծնվում ու հաղթանակում է նոր կյանքը՝ աստիճանաբար խորտակելով հին, դարերով կաթմբացած սովորույթներն ու նրանց կրողներին:

Պատմա-հասարակական այդ մեծ հեղաշրջման սրույթունն ու լարվածությունը Զարյանը արտացոլեց այնպիսի լայնություններ ու խորություններ, որ պիսին մինչ այդ և հետո ոչ ոք չկատարեց մեր գրականության մեջ: Նա հանդես եկավ որպես նորարար արվեստագետ, ղեկավարեց մարմնավորելով ժողովրդական կյանքի բեկման պրոցեսն իր բազմազան կողմերով: Դուրի և դուրդացիության կյանքում տեղի ունեցող խմորումները, սեփականատիրական տարերքի հաղթահարումը, մասսաների սոցիալիստական գիտակցության աճը և նոր կյանքի լուսավոր հեռանկարները պոեմում պատկերված են դարմանալի կենդանություններ: Առանձնապես տպավորիչ են մասսայական տեսարանները, որոնցով հեղինակը բացահայտել է դուրդացիության ստեղծարար ուժերի արթնացումն ու ակտիվացումը: Երա հետ միաժամանակ Զարյանը ցույց է տվել, թե ինչպես դուրի սոցիալիստական վերակառուցման պրոցեսում ծնվում է նոր մարդը, մասնատիրական հոգեբանությունը վերափոխվում է կոլեկտիվիստական հոգեբանության: Բայց այդ անցումը տեղի է ունենում ոչ թե խաղաղ ու հարթ, այլ համառ ու երկարատև պայքարի շնորհիվ:

Այդ կարևորագույն պրոբլեմը ավելի ցայտուն կերպով շոշափված է «Սար: Միկինյան» պոեմում (1935), որն իր ընդգրկած կյանքով անմիջական շարունակությունը լինելով «Մուշանի բարափի»՝ անտարակույս մի նոր աստիճան է հեղինակի ստեղծագործական առաջընթացի մեջ: Այստեղ վառ համոզություններ պատկերված է հանրային կյանքի պայմաններում սոցիալիստական գիտակցության հաղթանակը: Կոլտնտեսային իրականությունից առնված կոնկրետ նյութի հիման վրա Զարյանը բացահայտում է հնի համեմատությամբ նոր հասարակարգի գերազանցությունը և այդ կերպ ձգտում հաստատել սովետական անհատականության լավագույն գծերն ու հատկությունները: Մարտ Միկինյանի կերպարում խտացված է կոլտնտեսային կարգի հաստատման հետևանքով դուրսում առաջացած այն նորը, որի էությունը հասարակական-հանրային շահերի խոր գիտակցումն է: Կոլտնտեսականների գիտակցության մեջ կատարվող բուռն պայքարն ընդգեմ եսասիրական մասնավոր շահերի հանուն հասարակական բարձր ձգտումների, — ահա այն գլխավոր կոնֆլիկտը, որ ընկած է այդ պոեմի հիմքում և կազմում է ծավալվող գործողությունների հանգույցը: Այդ գիտակետից էլ բանաստեղծը հմտորեն մեկնաբանում է իր գլխավոր հերոսի հոգևոր նկարագիրը, նրա զաղափարական աճը: Նա ցույց է տալիս, թե ինչպես նախկին սեփականատեր դուրդացին հետզհետե դառնում է սոցիալիստական հասարակարգի ակտիվ ու գիտակից անդամ: Մարտի ան-

հատականությունը տիպականացված է գեպերին ու գործողություններին համընթաց, շրջապատող կյանքի հարածուփ ոլորտի մեջ:

Հետագա տարիներին ևս Զարյանը չհեռացավ կոլտնտեսային գյուղի թեմատիկայից: Մի կողմ թողած «Հացավան» վեպը, որի առաջին մասը լույս տեսավ 1937 թ., այստեղ չենք կարող շանդրադառնալ «Կարինե» պոեմին (1941), ուր նույնպես հեղինակին դրադենոլը նոր մարդու, տվյալ գեպում՝ հասարակ գեղջկուհու հոգևոր աճման պրոբլեմն է: Իր պոեմի համար իբրև բնաբան ընտրելով Թումանյանի նշանավոր խոսքերը՝ «Վաղ ժամանակ մի հայ շենում մի հարկավոր հարս է լինում», Զարյանը «անիծած հարսին» հակադրում է նոր կյանքի առաջամարտիկ դարձած իր հերոսուհուն: Սարկական կապանքներից ազատագրված հայ գեղջկուհին դուրս է եկել հասարակական գործունեության լայն ասպարեզ, վերափոխվել ու դարձել նոր մարդ, «իր ուժին գիտակ և ինքնավայել» քաղաքացի: Այդպիսին է ահա Հեթմանց Կարինեն, որ հմտորեն զլխավորում է Ուռուձոր գյուղի կոլտնտեսությունը և միաժամանակ ոգեշնչում իր ամուսնուն՝ Վահանին, ստանձնելու նորակազմ սովխոզի ղեկավարությունը: Նրիտասարդ, գեղեցիկ ու համարձակ այդ կինը քայլում է նոր կյանք կառուցողների առաջին շարքերում և խանդավառում աշխատավորներին: Նրա կերպարի մեջ հեղինակը մարմնավորել է խավարից գեպի կյանք ելած սովետական հայ կնոջ լավագույն գծերը:

Ինչպես այս, այնպես էլ նախորդ պոեմներում Զարյանը քննադատորեն օգտագործել է հայ դասական պոեզիայի, մասնավորապես Հովհ. Թումանյանի ժողովրդաշունչ արվեստի լավագույն տրագիգիաները: Դրանց ստեղծագործական յուրացման ճանասլարհով նա հասավ գեղարվեստական պատկերի կոնկրետության, ոճի պարզության ու ժողովրդայնության: Թումանյանական տրագիգիան նրա մոտ, սակայն, արտահայտվել է ոչ միայն լեզվա-ոճական արվեստի, առանձին արտահայտությունների ու համեմատությունների միջոցով, այլև կերպարների գեղարվեստական բնութագրմամբ ու տիպականացմամբ, դարաշրջանի կյանքի լայն ընդգրկմամբ: Թերևս ամենից առաջ այստեղ պետք է որոնել Թումանյանի աղղեցությունը Զարյանի վրա, որը սովորելով իր մեծ ուսուցչից՝ կարողացավ հասնել իսկական նորարարության:

3

Նոր մարդու կերպարի ստեղծումը առաջնահերթ խնդիր էր Զարյանի համար ո՛չ միայն էպիկայում, այլև՝ քնարերգության մեջ: Նա խորապես գիտակցում էր այդ պահանջի անհրաժեշտությունը և մանավանդ նրա իրականացման դժվարությունը, ուստի և իր երկերում հաճախ էր անդրադառնում կյանքի ոչ դրականության փոխհարաբերության հարցին:

Հատկանշական է, որ դեռևս 30-ական թվականների կեսերին բանաստեղծը որոշակիորեն հակադրվեց «մաքուր արվեստի» մունեստիկներին, որոնք սիրում էին ներանձնանալ, ճախրել իրենց «եսի» անասլատում և կամ գեղերել անցյալի մութ բավիղներում: Իսկական արվեստի ուժը նա տեսնում էր ժողովրդի կյանքի ու պայքարի հետ ունեցած սերտ կապի մեջ, իրականության դարգացման բարդ պրոցեսներն ըմբռնելու և դրանք ճիշտ վերարտադրելու մեջ: Նրա համոզմամբ, որքան խորն է այդ կապը, այնքան ավելի մեծ է ու նշանակալից տվյալ երկի գաղափարական-գեղարվեստական ներգործությունը:

Մեր ժամանակի արվեստի և արվեստագետի, հերոսի և հերոսականի, գրական տրադիցիաների և նորարարության մասին Զարյանի հայացքները ցայտուն կերպով արտահայտվել են «Ֆիրդուսի», «Քալիլ'ը իմ երգ», «Նրազ», «Նրգի երազ» և մի շարք այլ բանաստեղծություններում, որոնք ունեն ծրագրային բնույթ: Դրանց մեջ հեղինակը հանդես է գալիս որպես սոցիալիստական ունեւորի կրքոտ պաշտպան, առաջավոր տրադիցիաների ժառանգորդ և ստեղծագործական նորարարության խանդավառ մարտիկ: Նա պարզ գիտակցում է, որ փոխվել են ժամանակն ու մարդիկ, «այլ են հիմա հերոսության ձևն ու իմաստը խորախոր», բոլորովին ուրիշ՝ նոր կյանք կառուցողի էսթետիկական պահանջները: Մեր օրերի հերոսը պահանջում է գեղարվեստական նոր խոսք, այնպիսի երգ, որ «սրտի պես տրոփե», «ծիածանի պես հուրհուրա», լինի «աղբյուրի պես պարզ ու զուլալ» և «պայթի որպես նռնակ, ցրի բերդերը թշնամու»,

Ի՛րգ, որ լինի կյանքի համար
Ե՛ւ հայելի, և՛ դարդ, և՛ զենք...¹

Բանաստեղծը գտնում է, որ մեր ժամանակի հերոսին վայել այդպիսի երգ ստեղծելու, նրա կյանքի «բարդ էսլուպեն» կերտելու համար չի կարելի սահմանափակվել անցյալի գեղարվեստական ձևերի մեխանիկական օգտագործմամբ: Դա կնշանակեր ընթանալ էպիգոնության ուղիով, որ կարող է տանել «լուկ դեպի մահ ու մոռացում»: Հարկավոր է խիզախել, որոնել ու գտնել այնպիսի նոր ձևեր, թարմ պատկերներ, որոնք ընդունակ են առավելագույն ուժով արտահայտելու «ոգին ու հույզը» մեր դարի: Իսկ այդ հնարավոր է միայն այն դեպքում, երբ գրողը համաքայլ ընթանա իր ժամանակի հետ, կապված լինի «առօրյային մեր բոցավառ», «կարդա և՛ կյանք, և՛ գիրք», հարստանա անցյալի փորձով և խանդավառվի մեր մարդկանց գործերով ու մտքերով: Այլ կերպ ասած՝ դասական տրադիցիաների ու նորարարության կենդանի միասնություն, — ահա ստեղծագործական այն ճիշտ սկզբունքը, որ պաշտպանելու կիրառել է Զարյանը՝ հեռանալով Զարենցի օրինակին: Նա ևս գտնում է, որ իրականության խոր ճանաչողությունը և արդիական զգացողությունը պետք է դառնան մեր ժամանակի արվեստի գաղափարական ու գեղարվեստական զարգացման առաջնորդ ուժը: Եվ ինչպես մեր օրերի հերոսները «վարում են կյանքի կորդերը և նոր ուղի» հարթում, այնպես էլ նրանց արվեստագետը պետք է տքնությամբ բացի իր երգերի հունը, համարձակորեն ընթանա ստեղծագործական խիզախումների դժվարին ճանապարհով:

Հենց այդպիսի արվեստագետ է ինքը՝ Զարյանը, որը միշտ որոնել է նորը, էականն ու զարգացողը կյանքում և գրականության մեջ: Այդ որոնումների ընթացքում, ճիշտ է, նա երբեմն ստյթաքել է, բայց երբեք չի խուսափել դժվարություններից և համառ ու տքնաջան աշխատանքով շարունակել է իր ուղին դեպի բարձունքներ: Սովորելով անցյալի վարպետներից՝ նա տվել է այնպիսի գործեր, որոնք միշտ հնչել են ինքնուրույն շեշտով, մեր մեծ առօրյայի հարազատ ձայնով:

Այդ վերաբերում է նաև նրա լիրիկային, որը նոր և ավելի բարձր աստիճանի հասավ նախապատերազմյան տարիներին: Այն աչքի է ընկնում գաղա-

¹ Միհասորյակ, էջ 212:

փարական նպատակասլացությամբ, գեղարվեստական ձևերի բազմազանությամբ: Երգ, ներբող, սոնետ, տրիոլետ, քառյակ, գազել, չափածո նամուկ, էպիգրամ, — բանաստեղծական այս և այլ ձևեր հմտորեն օգտագործել է նա՝ տալով իր ժամանակի ու ժամանակակիցների հույզերն ու մտորումները: Զարյանի լիրիկական հերոսը նոր, սովետական մարզն է, որն իր զգացումներով ու իր հերոսով միահյուսված է ժողովրդին և ասլում է նրա կենսական շահերով: Նա իրեն զգում է կյանքի տերը, նրա շինարարը և իր անձնվեր աշխատանքով է՛լ ավելի գեղեցկացնում այն:

Ահա այդպիսի առույգ, իր ուժերին վստահ և «սլայծառ երազանքներով թևավորված մարդու» հոգու կենսագրությունն է սլատկերել Զարյանը իր բանաստեղծություններում, որոնց առաջատար ոգին մարտնչող հումանիզմն է: Ինչի մասին էլ գրել է նա՝ սիրո թե ատելության, վշտի թե ուրախության, անցյալի թե ներկայի, — բոլոր դեպքերում էլ բանաստեղծի ելակետը նոր կյանք կերտող մարզն է: Բնորոշ է, որ նույնիսկ անցյալին նվիրված իր ստեղծագործություններից մեկում («Երկու հանձարեղ գլուխ») Զարյանը տալիս է կատարյալ մարդու իր երազը, այնպիսի մարդու, որ լինեի յզնիվ, հսկայտ,

Անցներ առանց վախի, ճակատի սլարգ,
Զրզգար հոգում ստորության արատ...¹

Հենց այդպիսին է Զարյանի երգած մարդը, որի մեջ մշտաբորբոք են կյանքի սերը, գեղեցկի զգացումը, ինքնակատարելագործման ձգտումը. նա ակտիվորեն մասնակցում է նոր աշխարհի կառուցմանը և իր բազկով ու հանձարով արագացնում մարդկության երթը դեպի կոմունիզմ:

Այդ աշխարհսեր շարժման մեջ իր արժանի տեղն ունի նաև հայ ժողովուրդը, որի սոցիալիստական վերածնության բերկրանքն է արտահայտել Զարյանը իր մի շարք բանաստեղծություններում: Հիշենք այնպիսի գործեր, ինչպիսիք են «Երիտասարդ իմ մայր», «Երևան», «Սևան» և, մանավանդ, «Վերածնունդ» հայրենաշունչ բանաստեղծությունները, որոնց մեջ վարակիչ շնչով արտացոլված են հայրենի երկրի ու ժողովրդի կյանքում կատարված մեծ վերափոխությունները, բացահայտված,

Թե ինչ լույս է ծագել, ինչ կյանք է եռում
Հայոց լեռներում, հայոց լեռներում...²

Բանաստեղծը խանդավառված է այն գիտակցությամբ, որ մեծ լենինի օտեղծած ու կոփած կոմունիստական սլարտիայի իմաստուն ազգային քաղաքականության շնորհիվ երբեմնի աղքատ ու հետամնաց Հայաստանը դարձել է ծաղկուն սովետական ռեսպուբլիկա: Նրա աշխատասեր ժողովուրդը, աղառնագրվելով սոցիալական ու ազգային ճնշումներից, բուժել է իր դարավոր վերքերը և առաջ է շարժվում հսկայի քայլերով: Նա այլևս նախկին փոքր ու ծեծված ժողովուրդը չէ, որ հաճախ տնքում էր «հզոր հարևանի ձեռքից», այլ ուղղակիորեն մարտերի ու խաղաղ շինարարության փորձով իմաստացած սոցիալիստական ազգ, միասնական ընտանիքի հավասարազոր անդամ:

¹ Միհատորյակ, էջ 210:

² Նույն տեղում, էջ 425:

Այդ ամենը բաղմակողմանի արձագանք են գտել Զարյանի պոեզիայում, ուր շխամբող դուշներով պատկերված է հին և հավերժ երիտասարդ մեր ժողովրդի հերոսական կերպարը: Ըստ որում, այդ կերպարը գծելիս բանաստեղծը հաճախ է դիմում իր կենսա-պատմական տվյալներին, որովհետև ընդհանուր և նման շատ բան կա ժողովրդի և նրա երգիչ որդու ճակատագրերի միջև: Ժողովրդի և նրա բանաստեղծի միջև ստեղծված անխզելի կապի, նրանց օրդանական միասնության խոր զգացողությունը են տոգորված «Հպարտություն», «Հորդոր» և ուրիշ երկեր, որոնց մեջ հառնում է մեր դաբաշրջանի առաջավոր արվեստագետի կերպարը: Նա դիտակցում է իր տեղն ու դերը հասարակական կյանքում, հավատարմորեն ծառայում է ժողովրդին և վայելում հարազատ պարտիայի վստահությունը:

Ճշմարտության դեմ մեղանշած չլինելու համար, սակայն, անհրաժեշտ է նկատել, որ այդ և հետագա տարիներին Զարյանի պոեզիային խիստ հարվածեց անհատի պաշտամունքի ազդեցությունը: Վերջինս տրտահայտվեց ոչ միայն նրանով, որ մեր բանաստեղծը միակողմանիորեն տարվեց ներբողադրությամբ, այլև առատ տուրք տվեց պարադային տրամադրություններին ու նրանցով պայմանավորված վերամարած հեատորականությանը: Մի կողմ թողած առանձին դործեր, այստեղ շենք կարող չհիշել «Դյուցազնագիրք» պոեմը, բն իր կառուցվածքով, դեպքերի ու գլխավոր դեմքի ցուցադրական նկարագրությամբ, ճշան էպիտետների ու փոխարկությունների սխտեմով՝ լուրջ նահանջ էր ունենում արվեստից:

Չնայած այդ ակամա տուրքին, Զարյանի ստեղծագործական դարգացման հիմնական ուղղությունը միշտ եղել է առողջ ու բեղմնավոր: Նա ընթացել է սոցիալիստական ունիզմի հունով և վառ կերպով արտահայտել մեր ժամանակի շունչը, «իմաստությունն ու գոտեմարտը իր դարի»:

Այդպիսի մի աշխարհացունց գոտեմարտ էր սովետական ժողովրդի Հայրենական Մեծ պատերազմը, որին ակտիվորեն մասնակցեց Զարյանը թե՛ իրեն քաղաքացի և թե՛ իրեն զորդ:

4

Պատերազմի տարիներին նոր ուժով հնչեց անձնվեր քաղաքացու և քաղաքացիական պոեզիայի մարտիկ-տրիբունի ձայնը: Նրա ղեղարվեստական խոսքը պայթեց որպես արևի շառաչ, դարձավ խոցող սվին՝ արյունարբու ոսոխի համար և ողբնչոց կոչ՝ հայրենապաշտպան ժողովրդի սրտում: Բանաստեղծի հայրենասիրական երգը ուղեկցեց մեր մարդկանց թիկունքում և ուղեկցեց սրտում: Կարելի է ասել, որ հայ զորդներից և ոչ մեկը այնքան խոր և բաղմա-կողմանիորեն չարտացոլեց մեր Հայրենիքի ապրած այդ մեծ փորձությունը, որքան Զարյանը: Նա գրեց ամենատարբեր ժանրերի գործեր, որոնց առանցքն ու միջուկը դարձան սովետական հայրենասիրությունը, ժողովուրդների լենինյան բարեկամությունը, հումանիզմն ու լավատեսությունը: Այդ տարիներին լույս տեսան նրա բանաստեղծությունների ու պոեմների մի շարք ժողովածուներ՝ «Մարտակոչ» (1941), «Վրեժ» (1942), «Շիկացած հողով», «Լսե՛ք դարեր», «Զայն հայրենական» (1943) և այլն, որոնց վերնագրերն իսկ դրսևորում են հեղինակի ապրումների ու խոհերի ընթացքը, նրա անխզելի կապը մարտնչոց ժողովրդի հետ:

Զարյանը շափաղանց խոր ղզաց Հայրենիքին սպառնացող վտանգը, որը բնականաբար նրա մեջ է՛լ ավելի բորբոքեց հայրենասիրության սրբազան հուրը։ Պատահական չէ, որ պատերազմի հենց առաջին օրը (1941 թ. հունիսի 22-ին) նրա սրտից թռավ այսպիսի խոսք.

Դու քաղցր ես, հո՛ղ իմ հայրենի,
Զկա քեզնից անուշ անուն,
Բայց վտանգի ահեղ ժամին,
Երբ սպառնում է թշնամին,
Դու ավելի ես քաղցրանում...¹

Հայրենաշունչ այս տողերով է բանաստեղծը սկսել Հայրենական պատերազմի գեղարվեստական տարեգրությունը, որի վերջին էջը կազմում է «1945 թ. մայիսի 9-ը» վերնագրով հաղթանակի երգը։ Քառամյա ժամանակաշրջան ընդգրկող այդ տարեգրությունը կարգալիս դժվար չէ տեսնել ծանր տառապանքներով ու հերոսական սխրանքներով լի այն ուղին, որով անցել է մեր ժողովուրդը և համաշխարհային պատմական հաղթանակ նվաճել ֆաշիզմի դեմ։ Ընթերցողը տեսնում է ռազմաշունչ օրերի լարված իրադրությունը, ղգում սովետական մարդկանց սերն ու նվիրվածությունը Հայրենիքին և ատելությունը դեպի թշնամին, լսում ժողովրդական ցասման որոտը և հիտլերյան հորդանների վրա գրոհող մեր բազմազգ զորագնդերի հաղթական ոտնաձայնը։

Դեռ պատերազմի առաջին ամիսներին, երբ մեղ համար ստեղծվել էր ծանր դրություն, Զարյանը արտահայտեց մեր ժողովրդի անխախտ համոզմունքը, որ «Հիտլերի գոռոզ երկաթե հորդան պիտի ջախջախվի»։ Այդ վառ հավատով էին ներթափանցված «Մարտակաշ», «Նա պիտի կախվի», «Գերմանիա» և մի շարք ուրիշ երկեր, որոնցով նա զապափարապես պինեց ընթերցողին, նրա մեջ բորբոքելով անսահման ատելություն դեպի թշնամին։ Ցասկոտ տողերով մերկացնելով ֆաշիստական գազանի բարբարոսությունները՝ բանաստեղծը կոչ էր տնում սովետական մարդկանց «ջարդել արնոտ մոուլթը Հիտլերի», պաշտպանել սոցիալիստական հայրենիքը, որի նման սիրված մի այլ երկիր չկա արևի տակ։ Սիրված է նա, որովհետև աճել ու հղորացել է մեր արդար քրտինքով, սովետական մարդկանց պայքարով ու արյունով։

Արյամբ ես քոռգել ամեն մի ծառ,
Ամեն ծաղիկ ցուլել մեր քրտինքով։
Մենք մեզ մեջքով կրել ենք վեճ ու կիր,
Ժայռ ենք խժռել, ծամել ենք թեժ երկաթ...
Արևի տակ չկա մի այլ երկիր,
Սիրված այսքան խորունկ ու խանդակաթ²։

Սովետական հայրենասիրության այդ նոր որակը ավելի պարզ, ժողովրդական ընկալմամբ դրսևորված է արդաբանդցի պառավ նանի խոսքերում («Արդաբանդի խնձորները»)։ Տարեց կոլտնտեսուհու նորատունկ այգին այսա-

¹ Միհասորյակ, էջ 115։

² Նույն տեղում, էջ 116։

բանորեն ներկայացնում է մեր ազատ ու խաղաղասեր երկիրը, որի բազմազգ զավակները կապված են սիրով ու եղբայրությամբ: Այդ եղբայրությունը, որ է՝ լավելի կոփվեց թշնամու դեմ մղված հերոսամարտերում, Զարյան, գրչի տակ ստացել է գեղարվեստական վառ պատկերում: Նա ցույց է տվել, թե ինչպես սոցիալիստական ազգերն ուս-ուսի տված, իրենց ավագ եղբոր՝ ուսման ժողովրդի չիտավորությամբ անխորտակ պատենշ ստեղծեցին հիտլերյան պղտոր հեղեղի դեմ և ետ շարտեցին նրա հորձանքը: Այդ գաղափարն է մարմնավորված «Մենք չենք տա Մոսկվան», «Քեզ հետ ենք, Մոսկվա» և ուրիշ գործերում, որոնք տոգորված են միասնական ընտանիքի խոր ղզացումով:

Ազգային հպարտությամբ են շնչում Զարյանի այն երկերը, որոնց մեջ պատկերված է հայ ժողովրդի մարտական մասնակցությունը Հայրենական պատերազմին: Ոգեշնչված իր արյունակից եղբայրների սխրանքներով՝ նա հիմում է նրանց ծնող ժողովրդին հետևյալ խոսքերով.

Եվ դու չես անմառն այս գոտեմարտում աշխարհասառան,
Կարմիր բանակի առյուծների մեջ, վազրերի շարքում
Կռվում են նաև զավակները քաջ քո հեգ Սասնա տան
Եվ Դավթի թափով ոսոխին զարկում¹:

Հանձինս ռազմաճակատում մարտնչող հայ մարտիկների ու հրամանատարների Զարյանը տեսնում է մեր ամբողջ ժողովրդին, որ «կանգնած ոճրի պղտոր հեղեղի դեմ», կրծքով պաշտպանում է իր հարազատ հայրենիքը և դրանով իսկ նրա զանձերն անդին, «մեր մայր լեզուն, արվեստը մեր վսեմ»: Այդ դիտակցությամբ են հղացված «Ուղերձ իմ ժողովրդին», «Միհրդատի դամբարանը» և ուրիշ գործեր, որոնց մեջ տրոփում է հայրենասեր բանաստեղծի սիրտը:

Պատերազմի տարիներին Զարյանի պոեզիան աճում և զարգանում էր ռազմական դործողությունների ընթացքին համապատասխան: Եթե սկզբում նրա մոտ դերիշխողը զգաստացնող ու մորիլիզացնող խոսքն էր, որով մարտիկը կոչում ժողովրդին, բորբոքում նրա մեջ դասման ու ատելության կրակը, ապա որոշ ժամանակ անց նկատվեց հակում խորանալու մեր մարդկանց ներքին աշխարհի մեջ, վերաբաղելու հայտնի և անանուն ռազմիկների կոնկրետ սխրագործությունները («Կապիտան Գաստելյո», «Պարծանք», «Նրա վերջին խոսքը» և այլն): Դրան զուգընթաց հա ստեղծեց ռազմաճակատային լիրիկայի փայլուն նմուշներ («Այց ռազմաճակատին», «Բլինդաժում»), որոնք դրսևորում են կոլոդ մարտիկի հոգեբանությունը, նրա կարոտն ու սերը:

Զարյանը, սակայն, չմնաց իրականության քնարական վերապրումների սահմաններում, սուանձին դեպքի ու դեմքի պատկերման աստիճանի վրա: Բրադարձությունների հետադա ծավալման հետ միասին նրա մոտ առաջացավ կյանքը ավելի լայն մասշտաբներով ընդգրկելու, գեղարվեստական խոր ընդհանրացումներ կատարելու պահանջ: Շուտով նա հանդես եկավ «Անմահության պարը» (1942), «Զայն հայրենական» (1943) պոեմներով, որոնք միանդամայն տարրեր են իրենց թեմատիկայով ու գեղարվեստական մարմնավորման ձևերով: Եթե առաջինում հեղինակը պատկերում է լենինդրագի սրբազան սահմանները պաշտպանող Որյան Վաչեի սխրագործությունը, ապա երկրորդը՝

¹ Միհրատորյակ, էջ 142:

չիրո-էպիկական ընդարձակ մենախոսություն է հայ ժողովրդի պատմական անցյալի, նրա ազգային վերածննդի և Հայրենական պատերազմին ունեցած մարտական մասնակցության մասին: Դա գեղարվեստական ինքնատիպ հղացում է, ուր գաղափարական ճիշտ դիրքերից բացահայտված է մեր պատմության հերոսական ոգին և ընդգծված նրա սերտ կապը արդիականության հետ: Անցյալի ու ներկայի կենդանի զգացողությունը հնարավորություն է տվել հեղինակին բանաստեղծորեն կոնկրետացնելու մեր ժողովրդի կերպարը, ցույց տալու նրա ստեղծագործ հանճարն ու հայրենի երկիրը պաշտպանելու վճռականությունը:

Պատերազմը է՛լ ավելի ակտիվացրեց Զարյանի ներգործուն խառնվածքը. նրա մեջ բացահայտեց ստեղծագործական նոր հատկություններ. նա գրեց ոչ միայն հայրենասիրական բանաստեղծություններ, պոեմներ, ակնարկներ ու հոդվածներ, այլև դիմեց այնպիսի մի բարդ ժանրի, որպիսին է թատերգությունը: Այդ ուղղությամբ նրա առաջին քայլը եղավ «Վրեժ» դրամատիկ պոեմը, որին հաջորդեցին «Ամենագաղան» ծաղրական հեքիաթը և «Այրող դիմակ» դրաման: Կոռուցվածքի ու կերպարման իմաստով որքան էլ թերություններ ունենան դրանք, այնուամենայնիվ, ժամանակին կարևոր դեր խաղացին մեր թատրոնի կյանքում:

Դրամատուրգիայի բնագավառում, սակայն, Զարյանի մեծագույն սխրագործությունը եղավ «Արա Գեղեցիկ» դիցա-պատմական ողբերգությունը (1944), որն իր վարակիչ հայրենասիրությամբ, առողջ կենսափիլիսոփայությունով արձագանքում էր ժողովրդի սրտի ու մտքի պահանջներին: Բանաստեղծը իր խորաթափանց մտքի ու բարձրաթուիչ երևակայության շնորհիվ կարողացավ սուղվել դարերի խորքը, պատմության ընդերքից դուրս քաշել ժողովրդական իմաստուն առասպելը և նրա գեղարվեստական մշակմամբ հրաշալիք տել այնպիսի մի երկ, որը դարձավ հայրենի գրականության անմեռ հուշարձաններից մեկը: Ռեև թույլ է բացահայտված սոցիալական տարրեր շերտերի հակամարտությունը և որոշ տուրք է տրված անցյալի իդեալականացմանը, ալղուհանդերձ մարդկային արժեքի կրքերի, սիրտ և ատելության, ընտանեկան պատվի ու հավատարմության, ազատասիրության ու հայրենասիրության մի հուզիչ հերոսամասյան է սա, ուր հայոց լեզուն հնչում է դասական ճոխությունով:

Ստեղծագործորեն աճեց ու առնականացավ Զարյանը պատերազմի տարիներին: Ռազմի շեփոր առած, նա հայրենասեր դինավորի նման քայլեց մարտադաշտերով և իր երգերով նսրաստեց այն մեծ հաղթանակին, որի բերկրանքն է արտահայտված հետևյալ տողերում.

Եվ դու, հաղթանակի Մայիս, եկար,
Ընկած հերոսների արյան ցոլքով,
Վերադարձողների հույսով պայծառ,
Մեր տքնությամբ, կովով և սյս երգով
Եկար...¹

Եվ սա պատմական մեծ հաղթանակի ու հաղթանակած ժողովրդի հավատարիմ երդչի անուրանալի վաստակի ճշմարիտ գնահատականն է:

¹ Մի հատորյակ, էջ 180:

5

Ստեղծագործական նոր հաջողությունների հասավ Զարյանը հետպատերազմյան տարիներին, երբ մեր ամբողջ ժողովուրդը Կոմունիստական պարտիայի ղեկավարությամբ ձեռնամուխ եղավ խաղաղ ստեղծարար աշխատանքի:

Ինչպես միշտ, այս տարիներին ևս Զարյանը համաքաջ ընթացավ արդիականության հետ և արձագանքեց մեր երկրի ու ժողովրդի առջև ծառացած նոր խնդիրներին: Ավելի անմիջական դարձավ գրողի և կյանքի կապը, որի շնորհիվ նրա ստեղծագործություններում առավել խորացան ու վարգաջանւոցիալիստական ոեալիդմի սկզբունքները: Նա ձգտեց զեղարվեստականորեն իմաստավորել ու ընդհանրացնել այն վիթխարի փորձը, որ ձեռք է բերել մեր ժողովուրդը նոր հասարակարգի կառուցման համար մղված պայքարում և միաժամանակ ցուցադրել նրա այսօրն ու վաղը: Դեպի կոմունիզմ տանող այդ վերընթաց շարժման բովանդակությունը, մեր մարդկանց բնավորությունն ու հոգեբանությունը լայնորեն բացահայտելու նպատակով Զարյանը նորից դիմեց ծավալուն կտավների՝ վեպ, պոեմ, թատերգություն և այլն:

Բնավ պատահական չէ, որ պատերազմից հետո Զարյանը ամբողջականացրեց ու ավարտեց «Հացավան» վեպը (1947), որը նշանակալից նվաճում է սովետահայ արձակի համար: Իհե նրա մեջ նկարագրած կյանքը վերաբերում է երեսնական թվականներին, բայց այնտեղ առաջ քաշված շատ հարցեր (դրական կերպարի, կոմունիստական բարոյականության, անցյալի մնացուկների դեմ տարվող պայքարի և այլն) արձագանքում են արդիականությանը: Զարյանը կարողացել է մեծ հաջողությամբ ցուցադրել, թե ինչպես կոլտնտեսային կարգի տնտեսական ու քաղաքական ամրապնդման պրոցեսում փշրվում են հետամնաց սովորույթի ավերիչ կաշկանդումները, մասսաները վերադաստիարակվում են կոմունիստական գաղափարայնության ոգով և դառնում նոր կյանքի գիտակից շինարարներ: Այդպիսի առաջավոր մարզիկ են Հեոն Համբարյանը, Վասակ Չորանյանը, Հիպարիտ Հեոնյանը, Հասմիկ Չորաբյանը և շատ ուրիշներ, որոնցից յուրաքանչյուրն ունի իր անհատական խառնվածքն ու բնավորությունը: Նրանց բոլորին, սակայն, միավորում են գյուղի սոցիալիստական վերափոխման աշխատանքը, պայծառ ապագայի երազանքը, որ քայլ առ քայլ մարմնավորվում է կյանքում: Հենց դրա մեջ է վեպի ոչ միայն պատմա-ճանաչողական նշանակությունը, այլև մնայուն գաստիարակչական ուժը, ջերմ ու վարակիչ շունչը, որոնցով նա տիրական ազդեցություն է գործում ընթերցող լայն մասսաների վրա:

«Հացավանից» ավելի քան մեկ տասնամյակ հետո Զարյանը հրապարակ հանեց իր երկրորդ վեպը՝ «Պարոն Պետրոսն ու իր նախարարները» (1958), որն ուշագրավ է իր պրոբլեմայնությամբ ու գրեկակերպով: Հեղինակը այստեղ վերարտադրում է հայ ժողովրդի կյանքը դաշնակների անփառունակ տիրապետության շրջանում, երբ քարդերից փրկված հայ պատանիները, ճաշակելով որբության դառնությունը, հասունացող գեղերի ազդեցությամբ հետզհետե հիասթափվում են տիրող կարգերից: Իր պատանի հերոսների և նրանց շրջապատող կյանքի ոեալիստական նկարագրությամբ հեղինակը բացահայտել է աշխատավորության ծանր կացությունը և սուր ծաղրով մերկացրել դաշնակչական բռնապետությունը:

Զարյանի ստեղծագործական խառնվածքին հատուկ երգիծական ջիղը սովելի ցայտուն կերպով երևան է եկել նրա թատերգություններում, որոնցից առանձնապես լայն մասսայականություն են նվաճել «Լեդրյուրի մոտը» և «Փորձադաշտը»: Դրանցով հեղինակը վերակենդանացրեց կատակերգական ժանրի լավագույն տրագիցիաները սովետահայ դրամատուրգիայում և ասաց նոր խոսք, որին հետևեցին ուրիշները: Կոմունիստ ԽՍՀՄ-ի ստալինյան կրքոտությանը նա համարձակորեն մերկացրեց մեր կյանքում տեղ գտած արատներն ու բացասական երևույթները՝ քաղքենիությունը, շահամոլությունը, քծնանքը, բյուրոկրատիզմը և այն ամենը, ինչ արգելակում է մեր ժողովրդի առաջընթացին: Նա հրապարակ հանեց մակարույծ տարրերին, կեղծ ու խարդախ մարդկանց, որոնք խախտում են սովետական բարոյականության նորմաները: Այդպիսի մարդկանց տիպական ընդհանրացում է Բալարեկը, որ վաղուց դարձել է հասարակ անուն:

Ծաղրի հզոր զենքով քննադատելով ու մերկադնելով մարդկանց գիտակցության մեջ ու կենցաղում եղած լիակատար չմշակված մնացուկները՝ Զարյանը դրանով իսկ օգնում է նորի, առաջավորի աճմանն ու հաղթանակին: Այլ կերպ ասած՝ նրա երգիծանքը դառնում է զգաստացնող ու մոբիլիզացնող կոչ, որ կազմակերպում է մասսաներին հաղթահարելու մեր առաջընթացի թերություններն ու դժվարությունները: Երա մեջ է Զարյանի երգիծանքի կենսահաստատ ուժը, որ այնպես առատորեն երևան է եկել նաև ուրիշ երկերում:

Ժամանակի այրող շնչով, նորի զգացումով է տոգորված նաև Զարյանի եռույտերազմյան տարիների պոեզիան, որ բնութագրվում է գաղափարական խորությամբ, թեմաների ու գեղարվեստական ձևերի բազմազանությամբ: Այստեղ անհրաժեշտ է բնորոշել հատկապես նրա հայրենասիրական քնարի հնչեղությունը: Բանաստեղծը բուռն խանդավառությամբ է երգում սովետական մարդկանց ստեղծարար աշխատանքը, նրանց կառուցողական եռանդն ու ոգևորությունը: Մեր առաջընթացի թափն է արտահայտված «Գաղել կառուցման», «Երևան», «Երևանյան դաղեղ» և ուրիշ բանաստեղծություններում, որոնց մեջ կառուցողական թեման բացահայտված է խոր հուզականությամբ: Այդ առավել ևս վերաբերում է ժողովուրդների բարեկամության գաղափարն արտացոլող «Մոսկվա», «Խոսք Եզրայրության», «Սովետական Վրաստանին», «Ողջուն Ուլրեկստանին» և ուրիշ ստեղծագործություններին: Դրանց մեջ ազգային տրագիցիաները ներդաշնակորեն միահյուսված են մեր երկրի բոլոր աշխատավորների ընդհանուր կենսական շահերին: Բանաստեղծը իրավամբ հպարտանում է, որ իր պանծալի նախնիները կապված են եղել մոտիկ ու հեռավոր ժողովուրդների հետ, որոնց միջև ստեղծված կուտուրական-քաղաքական կապերը նոր իմաստ ու բովանդակություն ստացան սոցիալիստական ռևոլյուցիայի հաղթանակի շնորհիվ:

Ինչպես և պետք էր սպասել, Զարյանի այս շրջանի պոեզիայի մեջ առաջատար տեղ է գրավում խաղաղության մոտիվը, որը նրա մոտ արտահայտվել է ամենատարբեր ձևերով ու երանգներով: Ըստ որում, այդ մոտիվը նրա բանաստեղծություններում սերտորեն կապված է աշխատանքի, կոմունիզմի կառուցման գաղափարի հետ: Սովետական ժողովուրդը խաղաղասեր է, որովհետև լցված է կառուցողական պաթոսով, իսկ նա, ով կառուցում է, չի կարող ցանկանալ պատերազմ, — այս գաղափարն է Զարյանի և մեր ժողովրդի խաղաղասիրության տրամաբանական հիմքը: Այդ երևում է նրա «Տոնօրյա

խոհեր» ուտանալորից, ուր բանաստեղծը հմայված սովետական մարդկանց ստեղծարար առօրյայով, քնարերգորեն վերապրում է հայրենի քաղաքի շինարարական խինդը, կառուցողի անդուստ հրճվանքը, սովետական կնոջ մայրական զորովը և մեր խաղաղասեր երկիրը գեղարվեստորեն հակադրում խմբերիախտական աշխարհին: Մի տեղ քաղաք է բարձրանում, ծաղկում է կյանքը, իսկ մշուսում՝ օվկիանոսից այն կողմ, տարված են ջրածնային դենքի մոլեկուլներով: Արդարացի ցասմամբ շիկացած բանաստեղծը պահանջում է կասեցնել «հեռանկարի ոճի» և կոչ անում ոլորել ումը՝ ձուլողների ձեռքերը, սահմանափակ նոր պատերազմի հրձիղներին: Նա համոզված է, որ խաղաղությունը կհաղթի պատերազմին և, արտահայտելով բարի կամքի տեր միլիոնավոր մարդկանց այդ սրբազան ձգտումը, գրում է.

...Իմ պատշգամբից մինչև կամուրջը Բրուկլինյան
Թո'դ տարածվի խաղաղությունը մարդկային՝
Կապույտ, կապույտ այս երկնքի նման...¹

* * *

Մեծ է նախի Զարյանի մատուցած ծառայությունը սովետահայ գրականությանն ու հոգևոր մշակույթին: Ավելի քան չորս տասնամյակ տևող իր գրական գործունեության ընթացքում նա ստեղծել է այնպիսի մնացորդներ, որոնցով իրավամբ հպարտանում է մեր ժողովուրդը: Նրա ողբերգական բանաստեղծություններն ու պոեմները, «Հացափան» բարձրարվեստ վեպն ու «Արա Բեղեցիկ» հայրենաշունչ ողբերգությունը, որոնք արտահայտում են ժողովրդական ոգու խիզախ պոռթկումներն ու լավագույն ձգտումները, խոշոր ավանդ են ձևով ազգային, բովանդակությամբ սոցիալիստական կուլտուրայի գանձարանում:

Դժուրին ու հարթ չի եղել Զարյանի ստեղծագործական ուղին. նա ընթացել է դժվարանց առապարներով, ունեցել է վերելքային խոչընդոտներ, վրիպումներ ու սալթաքումներ,^{*} որպիսիք հաղթահարել է անսալով շիտակ քննադատությանը, մեր պարտիայի ղեկավար ցուցումներին: Նա թերևս շատ բան կարող էր անել, որ չի արել և երբեմն արել է բաներ, որ չպետք է աներ. բոլոր դեպքերում էլ, սակայն, որպես արվեստագետ Զարյանը եղել է անկեղծ, իր ժամանակի ու միջավայրի հարազատ արտահայտիչը:

Զարյանի ստեղծագործական վաստակի լավագույն մասը ձևով է բերել համամիութենական ճանաչում և հեղինակի անունը վաղուց դուրս է եկել ազգային շրջանակներից, պատշաճ տեղ նվաճելով սոցիալիստական ռեալիզմի գրականության բազմալեզու վարպետների շարքում: Հատկապես ուսերեն թարգմանության շնորհիվ նրա բազմաթիվ երկեր դարձել են երաժշտական ժողովուրդների սեփականությունը: Ավելին, նրա ստեղծագործությունները կարդում և ուսումնասիրում են մեր Հայրենիքի սահմաններից դուրս՝ հայ և օտարազգի ընթերցողները, որոնք ուշի-ուշով հետևում են սովետական գրականությանը և ոգևորվում նրա նվաճումներով:

¹ Միհասորյակ, էջ 190:

РОДНОЙ ГОЛОС НАШЕГО ВРЕМЕНИ

Г. А. САРКИСЯН

(Р е з ю м е)

В статье прослеживается творческий путь, пройденный Наирн Зарьяном, и на основе анализа его литературной деятельности показывается, как, преодолев краткий период исканий, он в советских условиях становится одним из выдающихся мастеров армянской литературы.

Тесно связанный с жизнью, писатель в своих произведениях ярко отразил нашу советскую действительность.